



BUKA YA TATAISO

O a amohelwa Letloleng la Eskom Pension and Provident Fund (EPPF)

Ke habohlokwa ho rera ho ba le tjehele ya penshene e tla o thusa ka moso. Eskom e thehile letlole la EPPF e le ho thusa basebetsi ba yona ho beha tjehele ya penshene eo ba tla e sebedisa ha ba tlohela mosebetsi, kapa ba kula.

EPPF e ikilataetsa ho boloka botswalle bo tshwarellang le ditho tsohle tsa yona.

Botswalle bona qala ha motho eba setho sa EPPF mme se tswella ho fihlela ha motho a tlohela mosebetsi, a kena pensheneng kapa ka maswabi a hloka-hala.



Buka ena e akaretsa melemo e fuwang ditho tsa rona ho latela melao ya EPPF. Leha ho le joalo, e le hore o fumane tlhahisoleseding ya marao rao e amanang le ditho tsa rona le ditaba tse ntjha ha mmoho le ditsebiso, kena websaeteng ya EPPF, www.eppf.co.za.



Mabapi le EPPF

Letlole la EPPF le thehilwe ka selemo sa 1932 mme haesale le hola ho fihlela le eba boemong ba ho ba e nngwe ya matlole a maholo industering ya dipenshene.

Lena ke Letlole le leholo le ikemetseng la dipenshene mme le ngodisitswe tlasa Molao wa Letlole la Penshene wa 1956, mme e amohetswe e le letlole la penshene tumellanong le Molao wa Lekgetho wa 1962.

Jwalo ka ha letlole la EPPF le ena le melemo e hlalositsweng, le fana ka tjehelete ya penshene, ya ho ikgula, ya ho hlokahala le ya bokowa.

Ho latela sebopeho sa melemo e hlalositsweng ya EPPF, ho na le mokgwa o sebediswang ho kopanya tjehelete e lokelang ho lefshwa setho ka seng ha ho hlaha boemo bo itseng. Mokgwa ona wa ho kopanya o itshitlehile ka dilemo tsa tshebeletso tsa setho ka seng, moputso wa penshene le dintho tse ding tse amang boemo ba setho ka seng.

Leha ho le joalo, haeba setho se lefshwa ka lebaka la ho ikgula (haeba motho a beha meja fatshe) ho tla bapiswa tjehelete ya boleng bo lekanang le menhelo ha e kopanngwa le phaello, mme e ngata ke yona e lefuwang.

Tsamaiso ya EPPF

Letlole la EPPF le tsamaiswa ke Boto ya Batsamaisi (Boto) ya ditho tse 14. Ditho tse ding tsa boto di kgethwa ke ditho tsa EPPF le maphenshenara, athe ditho tse ding di kgethwa ke bahiri.

Boto ya Batsamaisi



Boikarabelo ba Boto ke ho hlokomela tsamaiso ya EPPF. E fana ka tataiso le ketelo pele e molemo, e tiisa hore ho na le taolo le hore ho latelwa melao ya boitshwaro, hape e theha melawana ya EPPF.

Boto e na le dikomiti tse fapaneng tse fuwang mesebetsi le boikarabelo ba ho etsa diqeto. Leha ho le jowalo, Boto ke yona e ikarabellang ka diqeto tsohle tse etswang ke dikomiti tse fapaneng mme ke yona e nang le bolaodi bo phahameng ka hara EPPF.

Ditho tsa dikomiti di akarelletsa ditho tsa Boto, baokamedi ba EPPF, le ditsebi tsa ka ntle haeba di a hlokwa. Dikomiti tsa Boto di eme ka tsela e latelang:

- Komiti ya Tlhahlobo le Dikotsi;
- Komiti ya Meputso;
- Komiti ya Khiri le ya Meputso;
- Komiti ya Leano la ho Tsetela;
- Komiti ya Malao le Taolo; le
- Komiti ya Dipuisano.

Boto e boetse e file Mookamedi ya ka Sehlohong wa EPPF, hape o bitswa Motsamaisi ya ka Sehlohong, boikarabelo ba ho theha maano le ho laola ditaba tsa letsatsi le letsatsi. Mookamedi ya ka Sehlohong o thuswa ke Sehlopha sa Batsamaisi ho okamela ditaba tsa EPPF.



Invested in our
members

Ho ba Setho sa EPPF

Batho ba latelang ba tshwaneleha ho ba ditho tsa EPPF:



Puisano ka Meputso

Ho tloha ka la 1 Hlakubele 2019, Molao wa Letlole la Panshene wa 1956, tumellanong le Melawana ya Tsamaiso matlole ohle a tlamehile ho theha dipuisano tsa meputso. Puisano e ka ba teng ha motho a kena letloleng, ha a tlohela mosebetsi le ha a saletswa ke dikgwedi tse tharo pele a panshela. Nakong ya puisano, ditho di lokela ho bontshwa mekgwa e fapaneng ya ho sebedisa tjehelete ya bona ya panshene, di tsebiswe ka ditjeho e le hore di etse qeto e molemo.

Ditho di kgothaletswa ho sebedisa monyetla wa ho buisana ka meputso, mme di tla fumana tataiso e molemo le ho fumana monyetla wa ho botsa dipotso. Le hoja ho fanwa ka tataiso le tlhahisoleding dipuisanong tsena, ha ho dikeletso tse fanwang hobane batho ba dipuisano tsena hase ditsebi tsa ditjehelete. Sepheo sa dipuisano tsena ke ho thusa ditho ho etsa qeto e molemo mme ho ka buisanwa difahleho di tadimane (le e mong wa Letlole la Panshene) kapa ka founo. O ka kopa ho ba le puisano neng kapa neng ha o e hloka.

Menehelo

Menehelo ya Kgwedi le Kgwedi

Mosebetsi a ka fana ka monehelo wa kgwedi le kgwedi o etsang diperesente tse 7.3 % moputsong wa hao wa panshene. Mohiri o fana diperesente tse 13.5% moputsong wa hao wa panshene.

“Meputso ya panshene” e fapane ho ya dihlopha tsa basebetsi, ke ka hoo basebetsi ba eletswang hore ba shebisane meputso ya bona ya panshene le ba lefapha la Khiri.

Jwalo ka letlole la DB, lekeno lohle ka monehelo le lekeno la letsetse le sebediswa dikarolong tse fapaneng tsa EPPF bakeng sa ho lefa meputso ya ho ikgula, ho tlohela mosebetsi kapa ha e mong a hloka hloka tumellanong le melao ya Letlole la EPPF.

Menehelo e Ntshwang ka Boithatelo

Ditho tsa EPPF di ka boela tsa ipolokela tjehelete e eketsehileng bakeng sa panshene ka hore di fane ka monehelo ya boithatelo. Menehelo ena ya boithatelo e kenngwa akhaonteng ya hao mme e tla nkwa e le meputso ya hao ya botho.

O ka lefa Menehelo ya Boithatelo kgwedi le kgwedi, hanggwe fela kapa nako e nngwe le e nngwe ha ho hlokeha. O ka boela o a eketseha kapa o a theola Monehelo wa hao wa Boithatelo neng kapa neng.

Lefapha la ditjehelete le hula Menehelo ya Boithatelo moputsong wa hao wa kgwedi le kgwedi. Le hoja o ka lefella ho ya ka moo o kgonang, monehelo ya hao e ke ke ya feta diperesente tse 27,5 (%) tsa meputso wa hao wa selemo kapa ya feta R350 000 e le hore ho se ke ha lefella lekgetho.

Haeba monehelo ya hao e ka feta tjehelete e boletsweng bakeng sa ho lefa lekgetho, o ka kgetha ho fetisetsa lekgetho leo dilemo tse latelang kapa o kope ho hulwe lekgetho tjeheleteng ya hao ya panshene mohla o tlohelang mosebetsi.

Ha o ba setho sa EPPF, mohlomong o tla batla ho fetisetsa tjehelete ya hao ya panshene letloleng lena. Tjehelete ena ke e tswang mosebetsing wa hao wa pele. O tla lokela ho etsa kopo e le hore e kgone ho fetela letloleng lena. O ka etsa kopo ena Lefapheng la Khiri mme haeba kopo e a amohelwa, tjehelete e tla fetisetswa letloleng la EPPF. Tjehelete eo e tla nkwa e le Monehelo wa Boithatelo.

Tjehelete e kenang letloeleng la panshene e tswang moputsong wa bonase e tla nkwa le Monehelo wa Boithatelo. Tumellanong le dipehelo tsa tshebetso, o tla lefella diperesente tse 7.3 (%) bonaseng ya hao, mme mohiri o tla

lefella diperesente tse 13.5 (%) bonaseng ya hao. Jwalo ka ha ho se ho boletswe, menehelo ena e nkwa e le Menehelo ya ho ya Boithatelo mme e eketsa tjhelete ya Menehelo ya hao ya Boithatelo ka kakaretso.

Menehelo yohle ya Boithatelo e ba le phaello kgwedi le kgwedi. Boto ke yona e etsang qeto ya hore na ho tla etswa phaello ya boka. Qeto eo e etswa dikgwedi tse ding le tse ding tse tharo ho itshitlehile ka tshebetso ya EPPF dilemo tse tharo tse fetileng ka sepheo sa ho ntlafatsa nakong e tlang. Diqeto tsa morao rao mabapi le phaello di fumaneha websaeteng ya EPPF, e leng www.eppf.co.za.

Haeba o ka thabela ho sebedisa mokgwa ona ho ipolokela tjhelete ya ka moso, tshebetso ya Menehelo ya Boithatelo e funameha inthaneteng ya Eskom, e leng Zenzele, kapa o ka kena websaeteng ya rona www.eppf.co.za.

Ditho tse kenyang Menehelo ya Boithatelo di fumana seteitmente sa selemo le selemo se bontshang tjhelete e seng e bokeletswe, le phaello ha mmoho le lengolo la lekgetho.

Lengolo la lekgetho ke karolo ya lekgetho la selemo le selemo le romelwang Tsheb`weleto ya Lekgetho ya Afrika Borwa (SARS).

Tjhelete Nakong ya ho Ikgula

Haeba o beha meja fatshe, kapa o tloswa, o ka kopa ho fumana tjhelete ya hao ya ho ikgula.

Pele o nka tjhelete ya hao ya penshene kapa ya ho ikgula, e ka ba hantle hore o tsebe na tjhelete e seng e kene ke boka. O ka tseba seo ka ho kena websaeteng ya rona www.eppf.co.za, kapa o ka buisana le rona ka ho letsetsa dinomorong tsena 0800 11 45 48 kapa o ka ngolla emailing ena info@eppf.co.za.

Ditsela tse fapaneng tsa ho ikgula di boletswe ka tlase mona e le hore motho a fumane tjhelete ya hae.

Tjhelete ka ho Beha Meja Fatshe

Ho latela Molao wa Letlole la Panshene le melao ya EPPF, tjhelete e patalwang ke Bonyane ba Pokello ya Botho. Bonyane ba Pokello ya Batho bo kopanngwa ka tsela ena:

- Pokello ya menehelo ya hao ha mmoho le phaello; kapa
- Boleng ba tjhelete ho ya ka dipalo tse entsweng;
- Menehelo ya hao ya boikgethelo haeba e le teng, e kenyeletsang le phaello; le
- Menehelo ya hao ya bonase haeba e le teng, e kenyeletsang le phaello.

Ho na le mokgwa wa panshene o sebediswang bakeng sa ho fumana boleng ba tjhelete, o kenyeletsang karolelano ya moputso wa hao dikgweding tse 12 tse fetileng, dilemo tseo o sebeditseng ka tsona le maemo a mang a kenyeletsang meputso ya FSCA.



Le ha ho le jwalo, haeba o kgetha ho kgaotsa ho lefella penshene ya hao letloleng la EPPF, tjhelete e patalwang ka mora ho kgaotsa e tla itshetleha ka Boleng ba Pokello, ho bapiswe le Bonyane ba Boleng ba Pokello ya Botho. Sena se bolela hore haeba o kgetha ho kgaotsa penshene letloleng la EPPF, o tla fumana tjhelete e ngata mme o fumane tjhelete e ngata ha o penshena.

Karolo e reng Kgetho boemong ba ho Ikgula, e fumanehang tlase, e hlalosa maemo ao o ka kgethang ho ona.

Ho Ikgula o se o Fetile Dilemo di 55

Haeba o ikgula (mme o ntse o rera ho sebetse) mme o batla ho fumana tjhelete ya hao ha o se fetile dilemo di 55 empa o eso fihle dilemo tse 65, EPPF e hloka bopaki ba hore o fumane mosebetsi o mong, o a itshebetse kapa tokomane le ha e le efe tla hloka ho latela melao ya SARS.

Haeba o se na bopaki bo hlokwang, ho tla nkwa hore o a penshena.

Ho Tloswa

Ho tla patalwa karlo e ngata ya Bonyane ba Pokello ya Botho:

- 1
 - Pokello ya menhelo ya hao ha mmoho le phaello;
 - Boleng ba tjhelete ya hao; KAPA
- 2
 - Menhelo ya hao e ipheta ka makgetlo a mararo.
 - Menhelo ya hao ya Boithatelo haeba e le teng ha mmoho le phaello; le
 - Moputso wa hao wa bonase haeba o le teng ha mmoho le phaello.



Sa o Tloswa o se fetile dilemo di 50 mme o sebeditse dilemo tse 10

Haeba o dilemong tse pakeng tsa 50 le 55 mme o le setho se sebeditseng bonyane dilemo tse 10, ebe o a tloswa mosebetsing, o ka kgetha ho penshena ntle ho ditefello. Empa o lokela ho dumellana le mohiri.

Ha o penshena boemong bona o ke ke wa patala ditefello hobane mohiri ke yena ya tla o patala tsona. Ho phaello moo, mohiri a ka fana ka ditshebetso tse ding mme a di lefella.

Tjhelete ha o lelekwa

Haeba o lelekwa, boemo ba hao bo tshwana le ba motho ya fumanang tjhelete ha a beha meja fatshe.

Kgetho boemong ba ho Ikgula

Ho sa tsotellehe hore na o ikgula ka lebaka lefe, ho na le meputso ya ho ikgula eo o ka kgethang ho yona. Ke bohlale ho boloka tjhelete ya hao e le hore o ka fumana e tla o tswela molemo mohla o ikgulang letloleng la EPPF. Mekgwa e fapaneng ya ho e boletswe ka tlase mona.

O kgaotsa ho lefella karolo e itseng kapa tjhelete yohle letloleng la EPPF

O ka kgetha ho kgaotsa tefello ya penshene ya hao kaofela kapa karolo e itseng letloleng la EPPF.

O ka kgetha mekgwa ena e meraro ya ho kgaotsa:

- O kgaotsa ho sebetse le letlole la EPPF;
- O nka tjhelete yohle e sa hlokeneng tefello ya lekgetho mme o siya e nngwe letloleng la EPPF; kapa
- Haeba o tloswa, o ka kgetha ho nka tjhelete ho latela menhelo eo o seng fane ka yona ka mora ho fokotswa ha tjhelete ya lekgetho ebe ho na le e salang letloleng la EPPF.

Lethathamo la lekgetho bakeng sa selemo se itseng le fumaneha websaeteng ya SARS, www.sars.gov.za



Haeba o kgaotsa ho lefella, ho tla latelwa diphelelo tse latelang:

- O ke ke o a kgutla qetong ya hao;
- Penshene e kgaoditsweng e ke ke ea fetiswa kapa ya sebediswa ka sepheo sa ho boloka sekoloto
- O ke ke wa ntsha menhelo e meng hang ha o kgaoditse.
- Haeba o kgutlela mosebetsing ka mora ho ikgula le ho kgaotsa, tjehele eo e tla bolokwa letloleng la EPPF ho fihlela o tlohela mosebetsi
- Phaello ya tjehele e pensheneng e kgaoditsweng e bokellwa kgwedi le kgwedi mme Boto e hlahloba phaello dikgwedi tse ding le tse ding tse tharo. Dintlha mabapi le phaello di fumaneha websaeteng ya EPPF, e leng www.eppf.co.za
- O ka tlohela mosebetsi mme wa fumana tjehele ya hao ya penshene neng kapa neng ho tloha ha o le dilemo di 55 ho fihlela kgwedding ya ho qetela pele o ba dilemo di 65
- Ha o tlohela mosebetsi, o nka fumana karolwana ya tjehele ya hao. E setseng e lokela ho sebedisetswa e le penshene e tswang EPPF eo o tla e fumana bophelo bohle

Melemo e meng ya ho lefella penshene ke hore ha ho ditjeho tsa tshebetso kapa tsa tsamaiso. Bohle ba kgaoditseng ba fumana seteitmente selemo le selemo se bontshang tjehele e ileng ya fetisetwa ha mmoho le phaello e bokelletsweng ho fihlela ha jwale. O ka boela o a fumana dintlha tseo inthaneteng ya ditho tsa EPPF.

Puisano ya Marang rang:

O ka kgetha ho fumana seteitmente sa tjehele ya penshene e kgaoditsweng ka emaili kapa ka SMS. E le hore o fumane tshebetso e jwalo, tlatsa foromo ya “Tumello ya ho Fumana Mangolo ka Emaili kapa ka SMS” ebe o e romella EPPF. Foromo ena e fumaneha websaeteng ya EPPF, e leng, www.eppf.co.za.

O ka fetisetša karolo e itseng kapa tjehele kaofela letloleng le leng

O ka kgetha ho fetisetša karolo e itseng kapa tjehele kaofela letloleng le leng le molaong naheng ya Afrika Borwa. Matlole a mang a kenyeletsa letlole la penshene la mohiri e mong, letlole le bolokang tjehele ya penshene kapa dipenshene tse lefuwang selemo le selemo.

Ha ho lekgetho le lefuwang ha o fetisetša tjehele ya hao letloleng le leng la mohiri, letloleng la penshene kapa pensheneng e lefuwang selemo le selemo. Tjehele e fetisetwang letloleng la mmuso kapa leo mohiri a lefang mmuso e na le lekgetho.

Ha o a dumellwa ho fetisetša tjehele ya hao ya EPPF letloleng le leng le ka ntleho naha ya Afrika Borwa. Haeba o batla ho etsa jwalo, o lokela ho hula tjehele ya hao, ebe o e fetisetša letloleng le leng le ka ntle ho naha ya Afrika Borwa. Ho tla latelwa melao ya lekgetho ya Afrika Borwa.

Ho nka tjehele kaofela

O ka kgetha ho nka tjehele ya hao kaofela e letloleng la EPPF. Le ha ho le jwalo, o tla lokela ho lefella lekgetho le phahameng mme o sallwe ka tjehele e haellang haholo ya penshene. Dintlha mabapi le ho lefella lekgetho ka lebaka la ho ikgula di fumaneha websaeteng ya EPPF, www.eppf.co.za.

Tjehele e patalwa bankeng ya Afrika Borwa

Ha o ikgula tshebetsong mme o tswa letloleng la EPPF, o tlameha ho tlasa foromo ya Kopo ya ho Ikgula. O tlameha ho etsa bo nnete ba hore dintlha tsohle di nepahetse le hore o fane ka ditokomane tse hlokwang, jwalo ka di hlakisitswe foromong.

Ofisi ya Khiri e tla romella EPPF foromo ya hao.



Tjhelete e patalwa bankeng e ka ntle ho Afrika Borwa

Ha o ikgula tshebetsong mme o batla ho fetisetsa tjhelete ya hao bankeng e ka ntle ho Afrika Borwa, o lokela ho tlatša diforomo tse latelang:

- Kopo ya ho Ikgula
- Foromo ya Banka ya Boditjhaba

Foromo ya Banka ya Boditjhaba e lokela ho tlatšwa ke banka eo o rerang ho fetisetsa tjhelete ya hao ho yona kapa e ka tlatšwa ke mosebetsi wa boditjhaba ebe e romellwa EPPF.

Tlhokomediso: Tjhelete e lokelang ho fetisetswa bankeng e ka ntle ho Afrika Borwa e nka nako e telele ho feta ha e fetisetswa bankeng e ka hara naha ya Afrika Borwa, ka ha EPPF e lokela ho fumana foromo e tlatšitsweng ya Banka ya Boditjhaba e tswang bankeng ya hao kapa ho mosebetsi wa boditjhaba. Haeba o rerile ho fetisetsa tjhelete ya hao bankeng e ka ntle ho naha ya Afrika Borwa, e ka ba hantle hore o romele foromo ya Banka ya Boditjhaba bankeng ya hao bonyane dikgwedi tse pedi kapa tse tharo pele o tswa, e le hore e ka fihla EPPF ka nako.

Ka lehlakoreng le leng, haeba o na le banka e sebetsang naheng ya Afrika Borwa ka mora ho ikgula, EPPF e ka fetisetsa tjhelete ya hao bankeng eo, ebe o e fetisetsa bankeng e nngwe ya hao.

Ditokomane tse hlokwang ha o ikgula

Ha o ikgula tshebetsong, o lokela ho fana ka ditokomane tse latelang letloleng la EPPF, ha mmoho le foromo ya kopo ya ho ikgula:

- Kopi ya mantlha e netefaditsweng ya buka ya boitsebiso (ID) kapa passport
- Kopi ya mantlha e netefaditsweng ya buka ya boitsebiso (ID) kapa passport
- Lengolo la mantlha le tempuweng bankeng, le nang le dintlha tsa hao tsa banka, kapa seteitmente sa banka sa mantlha ha mmoho le setempe sa banka foromong (haeba tjhelete e tla fetisetswa bankeng e naheng ya Afrika Borwa)
- Foromo ya mantlha ya Banka ya Boditjhaba (haeba tjhelete e tla fetisetswa bankeng e ka ntle ho Afrika Borwa)
- Haeba o kgetha ho kgaotsa ho patala letloleng la EPPF, o lokela ho tlatša foromo ya Bajalefa Ba Kgethilweng ba Basebetsi ba Kgaoditseng ho Patala, haeba o tliho sebedisa letlole le leng



Tjhelete Nakong ya Penshene

O ka kgetha ho penshena ho tloha ha o le dilemo di 55 ho fihlela kgweding ya ho qetela pele o ba le dilemo di 65.



Tjhelete ya penshene e kopanngwa ho sebediswa mokgwa o latelang:



Sepheto sa
karolelano ya
moputso



Dilemo
tsa tshebetso
(ka dikgwedi)



Boleng ba
Penshene



600

Mekgwa e fapaneng ya penshene e hlaloswa ka tlase.

Penshene ya ka pele e nang le ditjeho

Tjhelete ya hao ya penshene e tla ba le ditjeho haeba o tlohela mosebetsi dilemong tse pakeng tsa 55 le 63, mme seo se tlole fokotsa tjhelete ya hao ya penshene ka 3.9% ka selemo ho fihlela o le dilemo di 63, kapa e fokotsehe ka 0.325% ka kgwedi ho fihlela o le dilemo di 63.



Penshene ya ka pele e se nang ditjeho

O ka penshena ka pele ho tloha dilemong tse 55 ho fihlela ho tse 63 ntle ho ditjeho haeba o dumellane le mohiri wa hao. Haeba ho le jwalo, mohiri wa hao ke yena ya tla lefella ditjeho tsa ho penshena ka pele.

O ka kgona ho penshena ntle ho ditjeho ha o le dilemo tse pakeng 63 le 65.



Penshene e tlwaelehileng

Ho lebelletswe hore o tla penshena kgweding ya ho qetela pele o ba dilemo di 65.



Invested in our
members





Penshene ya bokuli bokowa

Ha ho etsahala hore o be le bokowa bo itseng mmeleng kapa o sitwa ho iketsetsa dintho le ho sebetso, o ka fumana penshene ya bokuli kapa ya bokowa. Qeto ena e tla itshitleha ka ditlhaliso tsa Phanele ya Tsa Bongaka ya EPPF le hore Boto e e tjhaele monwana.

Tjhelete ya penshene ya bokuli/ bokowa e kopanngwa ka ho sebedisa mokgwa o tshwanang ha ho kopanngwa tjhelete ya penshene. Karolo ya tshebetso e balwa ka mokgwa o latelang:

i. Nako eo o qadileng ho ba setho sa rona ho fihlela letsatsing leo o nkang penshene ya bokuli/ bokowa



ii. 75% ya tshebetso e ka beng e phethilwe ho tloha letsatsing la ho nka penshene ya bokuli/bokowa ho fihlela letsatsing la ho nka penshene e tlwaelehileng

Haeba o ne o ena le bokuli bo itseng boo o tsebang ka bona pele o hirwa le pele o ba setho sa EPPF, ebe o etsa kopo ya ho fumana penshene ya bokuli/bokowa pele o qeta dilemo tse hlano tshebetsong, tjhelete e ka lefella ka ditsela tse latelang:

Tjhelete e fokoditsweng ka 50% ya penshene ya bokuli/ bokowa e boletsweng pejana haeba o tshwaneleha ho fumana tjhelete ya bokuli le e beheletsweng ka thoko

KAPA

- Tjhelete e lekanang le boleng ba tjhelete ya penshen e kgaoditsweng letloleng la EPPF mme o e fumane ha morao ha o penshena. O tla fumana tjhelete ya penshene e kgaoditsweng ha o le dilemo di 55 mme ho dumellana le melao yohle e boletsweng karolong e reng
- O ka kgaotsa ho lefella karolo e itseng kapa tjhelete yohle letloleng la EPPF

Penshene eo o ka e Kgethang

Ha o tlohela mosebetsi, EPPF e tiilo sebedisa tjhelete ya hao ho o thusa nako e telele jwalo ka mopenshenara. O ka kgetha mekgwa ya penshene e latelang:

- O nka tjhelete yohle ya penshene, mme o e fumana ka hore o patalwe kgwedi le kgwedi
- O nka karolwana ya pokello ya tjhelete ya penshene hang. E setseng o tla e fumana ka hore EPPF e o patale kgwedi le kgwedi. Sena se tla fokotsa tjhelete ya penshene ya kgwedi le kgwedi

Lethathamo la lekgetho mabapi le penshene le fumaneha websaeteng ena www.sars.org.za.

EPPF e fana ka keketseho hanngwe selemong, mme hanngwe selemong e fane ka bonase ho mapenshenara haeba tjhelete e le teng.

Sepheo sa EPPF mabapi le keketseho ya tjhelete ya penshene ke ho finyela keketseho ya inflation e dumellanang le ya Statistics South Africa, empa eo hase netefatso hore ho tla fela ho be jwalo.

Le ha ho le jwalo, melao ya EPPF ha e ya netefatsa hore dibonase di tla fanwa, ke Boto e tlang ho etsa qeto eo. Ditefello tsa bonase di itshitlehile ka mabaka a mangata, a kenyeletsang tshebetso ya matsete a EPPF.

Penshene ya Tjhelete e Kgaoditsweng ho Lefellwa

Mopenshenara ya kgaoditseng ho lefella penshene a ka fumana tjhelete ya hae neng kapa neng ho tloha ha a le dilemo di 55 ho fihlela kgwedeng ya ho qetela pele a ba dilemo di 65. Tjhelete eo e kenyeletsa tjhelete e ileng ya fetiswa mathomong ha mmoho le pokello ya phaello.

Mopenshenara ya kgaoditseng ho lefella penshene a ka kgetha mekgwa e latelang:

- O nka tjhelete yohle ya penshene, mme o e fumana ka hore o patalwe kgwedi le kgwedi;
- Haeba ho kgoneha, o nka bongata ba tjhelete ya penshene e sa hlokeneng lekgetho. E setseng o tla e fumana ka hore EPPF e o patale kgwedi le kgwedi. Sena se tla fokotsa tjhelete ya penshene ya kgwedi le kgwedi
- O nka karolwana ya pokello ya tjhelete ya penshene hang. E setseng o tla e fumana ka hore EPPF e o patale kgwedi le kgwedi. Sena se tla fokotsa tjhelete ya penshene ya kgwedi le kgwedi

Lethathamo la lekgetho mabapi le penshene le fumaneha websaeteng ya SARS, e leng www.sars.org.za.

Ho etsa kopu ya ho fumana tjhelete ya penshene e kgaoditsweng, mapenshenara a lokela ho tlatsa foromo e reng “Kopu ya ho Fumana Tjhelete ya Penshene e Kgaoditsweng” mme ba e romele EPPF.



Invested in our
members

Ditokomane Tse Hlokwang ha o ya Pensheneng

Motho ya nkang penshene o lokela ho kenyelletsa ditokomane tse latelang ha a etsa kopo ya hae:

- Foromo ya ingodisetsa Panshene
- Kopi ya ID kapa Pasa e sethifailweng
- Kopi ya ID kapa Pasa e sethifailweng ya molekane wa hao, (ha o nyetse kapa o nyetswe)
- Kopi e sethifailweng ya lengolo la lenyalo
- Disetifikate tsa tlhaho tse sethifailweng tsa bana ba ka tlase ho dilemo tse 21, ID kapa bopaki ba hore o mohodisi wa bona (haeba ba teng)
- Bopaki ba hore o setho sa morero wa kalafo (medical aid)
- Dikopi tse sethifailweng tsa lengolo la tlhaho
- Lengolo la banka le stempuweng le nang le dintlha tsa ak'haonte ea banka kapa seteitemente sa banka, le foromo ya hao e nang le setempe sa banka
- Foromo e tlatsitsweng ya Naheng e nngowe (International Banking) haeba o batla ho kenyetswa tjhelete ya penshene bankeng e ka ntle ho South Africa
- Difoto tse pedi tsa pasa bakeng sa karete ya penshene



Tjhelete ya ha o hlokahala

Batho ba tlhokomelong ya hao kapa / bajalefa ba tla fumana tjhelete haeba o hlokahala o ntse o sebetsa, o hlokahala o se o kgaoditse ho patala scheme kapa o se o le pensheneng. Mekgwa wa ho patalwa e hlalositse ka tlaase:

Kabo ya tjhelete nakong ya lefu: Karolo ya 37C ya Molao wa Ditjhelete wa Panshene

Haeba setho se hlokahala se ntse se sebetsa kapa se kgaoditse ho patala scheme pele se ya pensheneng, bajalefa ba tshwanelwa ke ho fumana tjhelete e lekanyeditsweng hammoho le tjhelete ya kgwedi le kgwedi (ha setho se ne se ntse se sebetsa) kapa tjhelete e lekanyeditsweng feela (ha a kgaoditse ho patala).

Tjhelete e lekanyeditsweng ya ha motho a hlokahala e fanwa ho latelwa Karolo ya 37C ya Molao wa Letlole la Panshene o latelang:

E le hore tjhelete ya setho tse hlokahetseng se sebetsa kapa motho ya hlokahetse a kgaoditse ho patala e lefuwe, EPPF e lokela ho etsa dipatlisiso ho fumana hore na bajalefa ba lokelang ho fumana tjhelete eo ke bo mang. Dipatlisiso di tla fuwa Boto mme e tla tsamaisa kabo ya tjhelete..

Bajalefa ba Molao ke bona bao ho qalwang ka bona kabong ya tjhelete ha motho a hlokahetse. Ba akareletsa molekane le bana ba tshwanelang.

Molekane ke:

- Motho eo setho / motho ya kgaoditseng ho patala panshene a nyalaneng le yena ho latela Molao ea Lenyalo wa Afrika Borwa
- Motho eo setho / motho ya kgaoditseng ho patala panshene a nyalaneng le yena ka tsela ya bodumedi
- Motho eo setho kapa motho ya kgaoditseng ho patala panshene a nyalaneng le yena ka setso
- Motho eo setho kapa motho ya kgaoditseng ho patala panshene a nyalaneng le yena ka molao
- Molekane eo o sa nyalanang le yena

Bana ba tshwanelang ke:

- Bana ba hao ba tlhaho kapa bao o leng mohodisi wa bona ka molao ba ka tlasa dilemo tse 21;
- Bana ba hlahang ka mora hore setho sa panshene se hlokahale; le
- Bana ba ka hodimo ho dilemo tse 21 ba nang le bokowa ba mmele kapa ba kelello, ba bileng le bokowa pele ba eba dilemo di 21, le ba bileng le bona setho se ntse se phela.

Tjhelete e ka boela ya fuwa batho ba nang ba hlokomelwa ke setho ka ditjhelete jwaloka batswadi kapa dikgaitse. Dintlha tse hlalojwang pele ke dilemo tsa bajalefa, bajalefa ba hloka thuso haka, kamano ya bona le setho, bokgoni ba bona ba ho fumana moputso le hore na ke tjhelete e kae e tlameha ho lefshwa.

Haeba o hlokahala ho se na batho bao o ba hlokomelang, tjhelete e tla fuwa batho bao o ba kgethileng empa o ne o sa ba hlocomele ka ditjhelete. Ba tla lefshwa ha feela o sena dikoloto. Haeba o e na le dikoloto, Boto e tlameha ho patala dikoloto tseo pele mme ka mora moo e fe tjhelete e setseng. Haeba ho se na bakgethwa, tjhelete e tla kenyelletswa thepeng kapa leruong la hao.

Ho kgothalletswa hore o tswele pele ho ntjhafatsa foromo ya Bajalefa ba Kgethilweng ka hore o thathamise batho ba tlhokomelong ya hao kapa bajalefa pele ebe ho latela bakgethwa haeba ba le teng. Boto e etsa qeto ya hore na ke mang ya tla lefshwa e latela molao, foromo ya hao ya Bajalefa ba Kgethilweng le tlhahisoleseding le ha e le e fe. Ho tlatse foromo ya Bajalefa ba Kgethilweng ho potlakisa dintho le ho nolofatsa kabo ya tjehelete. Amalungu asasebenza kufanele agcwalise ifomu elithi In-service Member Beneficiary Nomination bese elithumela ehovisi lawo labezisebenzi.

Basebetsi ba lokela ho tlatse Foromo ya Bajalefa ba Kgethilweng ke Basebetsi le ho e isa ofising ya lefapha la basebetsi.

Basebetsi ba kgaoditseng ho patala penshene ba lokela ho tlatse foromo ya Bajalefa ba Kgethilweng ba Basebetsi ba Kgaoditseng ho Patala le ho e isa ho EPPF ha ba ikgula kapa ba tlohela mosebetsi.

Diforomo tsa Bajalefa ba Kgethilweng di ka fumanwa websaeteng ya EPPF www.eppf.co.za.

Hlokomela: Ho latela Molao wa Ditjehelete wa Panshene, EPPF e na le dikgwedi tse 12 haeba ho hloka-hala ho batlisisa le ho etsa qeto ka kabo ya tjehelete. Maamong a mang ho ka nka nako e fetang dikgwedi tse 12 ho phetha dipatlisiso le ho aba tjehelete.

Tjehelete e patalwang ha motho a hloka-hala

Ha setho, motho ya pansheneng kapa motho ya kgaoditseng ho patala ya tlohetseng mosebetsi a hloka-hala empa a qadile ho fumana tjehelete, molekane ya tshwanelehang kapa bana ba tla fumana tjehelete kgwedi le kgwedi. Tjehelete ya kgwedi le kgwedi e tla patalwa maamong a latelang:

- Molekane ya tshwanelehang o tla fumana tjehelete bophelo bohle; empa haeba motho ya kgaoditseng ho patala a hloka-hala ka mora hore a tlohele mosebetsi, tjehelete ya kgwedi le kgwedi e tla fuwa feela molekane ya ntseng a phela eo motho eo a neng a nyalaneng le yena nakong ya ha a ya pansheneng
- Bana ba tshwanelehang ba fuwa tjehelete ho fihlela ba eba dilemo di 21
- Haeba ho e na le ngwana ya nang le bokowa ba mmele kapa ba kelello, ngwana eo o tla fuwa tjehelete kgwedi le kgwedi bophelo bohle ho itshetlehlile ka maemo a itseng
- Ha motho a nyetse basadi ba bangata mme ba e na le bana, tjehelete e lefuwang e ke ke ya feta 100% kahoo e lokela ho arolwa ho latela hore na ho na le bana ba ba kae le balekane ba bakae.

Ha setho se hloka-hala

Ha o hloka-hala o ntse o hlokomela mosadi le bana

Ha mosebetsi a hloka-hala a ntse a sebetsa mme a ena le mosadi/basadi le bana, tjehelete e lekanyeditsweng le ya kgwedi le kgwedi e tla patalwa ka tsela e latelang:



Tjehelete e lekanang habedi moputso wa selemo le selemo wa motho o lokela ho lefuwa. Karolo ya kakaretso ya moputso e lokelang ho fuwa bana e ka tsetelwa ak'haonteng ya EPPF



Panshene ya kgwedi le kgwedi e etsang 60% ya panshene eo o neng o tla e lefshwa ha o le dilemo di 65 ha o ntse o phela, e tla patalwa molekane wa hao. Ha o ena le balekane ba bangata, ba tla arolelwa 60% ya tjehelete ka ho lekana



Haeba ngwana eo e leng moajalefa a le mong, ho tla boela ho lefshwe tjehelete e etsang 30%. Ha bana ba le babedi kapa ho feta, tjehelete ya bona e tla eketseha ka 40% ya panshene ya hao mme ba tla e arola ka ho lekana


Tjehelete e lefshwang kgwedi le kgwedi ha e ya lokela ho feta 100% ya panshene eo mofu a neng a tla e fumana haeba a ne a ntse a sebetsa ho fihlela a e ba dilemo di 65.

Bakgethwa kapa bajalefa ba bang ba ka fumana tjehelete e itseng empa ha ba tshwanelehe ke ho e fuwa kgwedi le kgwedi.

Invested in our
members

Ha o hlokahala o sebetsa o ntse o hlokomela bana

Haeba o hlokahala o ntse o sebetsa mme o na le bana ba tshwanelehang, tjhelete e lekanyeditsweng le ya kgwedi le kgwedi e tla lefshwa tjena:



Tjhelete e lekanang habedi moputso wa selemo le selemo e lokela ho lefuwa. Tjhelete e ka tsetelwa ak'haonteng ya EPPF ya kgwedi le kgwedi ho fihlela ngwana/bana ba le dilemo di 21



%

Tjhelete ya kgwedi le kgwedi e lekanang le **60%** ya penshene eo o neng o tla e fumana haeba o tswetse pele ho sebetsa ho fihlela dilemong tse 65, ha ngwana a le mong. Ha bana ba le babedi kapa ho feta, penshene e tla ba 100% mme ba tla e arola ka ho lekana. Tjhelete e lokela ho fuwa mohlakomedi wa bana

Batho ba neng ba le tlhokomelong ya hae le hoja e se ba le lelapa le bona ba ka fuwa tjhelete e itseng.

Ha o hlokahala ho se na batho bao o ba hlokomelang


Ha o hlokahala o ntse o sebetsa mme o se na molekane kapa bana, tjhelete e tla patalwa e tla lekana le:



Moputso wa hao selemo wa penshene ha o hlokahala;

%

10% ya kakaretso ya moputso wa hao ka selemo bakeng sa tshebetso ya penshene;



Moputso wa penshene wa selemo habedi



Ha ho tjhelete e ngwe e lefshwang.

Tjhelete ena e lekanyeditswe mme e ka abelwa batho ba neng ba le tlhokomelong ya mofu empa e se ba lelapa kapa bakgethwa jwaloka ha ho hlalositse.

Ha mopenshenara a hlokahala

Ho hlokahala o nkile penshene ho na le batho bao o ba hlokomelang– molekane kapa bana

Ha motho ya pensheneng a hlokahala ka mora ho tlohela mosebetsi mme a e na le molekane kapa bana ba tshwanelehang, tjhelete e lekanyeditsweng le ya kgwedi e patalwa tjena:



Tjhelete e etsang **R3000** e fuwa molekane ya setseng hammoho le bana



Penshene ya kgwedi le kgwedi e etsang 60% ya tjhelete e felletseng ya mofu e tla lefshwa molekane wa hao. Ha motho a e na le basadi ba bangata, ba tlameha ho arola 60% eo ka ho lekana



Ha ngwana ya tshwanelehang a le mong, ho tla boela ho patalwe 30% ya penshene ya mofu. Ha bana ba le babedi kapa ho feta, penshene ya bana e tla ba 40% ya tjhelete ya penshene ya mofu mme ba tla e arola ka ho lekana

Penshene ya kgwedi ha e ya lokela ho feta 100%.

Tjhelete e lefshwang ke ya penshene e felletseng ("pre-commuted pension") eo motho a e bokeletseng nakong ha a ya pensheneng pele a ntsha tjhelete e itseng. Kahoo, le haeba motho ya pensheneng a ntshitse karolo e itseng ya tjhelete ha a tlohela mosebetsi, penshene ya molekane le bana e lefshwa jwalo ka ha e ka ha ho tjhelete e ntshitsweng mme e akaretsa keketseho eo motho a fumaneng ho fihlela a hlokahala.

Ho hlokahala ka mora ho ya pensheneng o se na bajalefa

Ha motho a hlokahala ka mora ho tlohela mosebetsi empa a sena molekane kapa bana, ho tla kenngwa tjhelete e latelang thepeng ya hae:



Tjhelete e kalo ka **R3000**;



Tjhelete ya kgwedi le kgwedi e etsang **60%** ya penshene e felletseng ya mofu e tla fuwa ngwana a le mong. Ha bana ba le babedi kapa ho feta, penshene e lefshwang e tla ba 100% mme bana ba tla e arola ka ho lekana. Tjhelete e tla fuwa mohlakomedi wa bona

Tjhelete ya kgwedi le kgwedi e ke ke ya feta 100%.

Tjhelete e lefshwang ke ya penshene e felletseng ("pre-commuted pension") eo motho a e bokeletseng nakong ha a ya pensheneng. Le haeba mofu a ntshitse karolo e itseng ya tjhelete ha a tlohela mosebetsi, penshene ya bana e tla lefshwa jwalo ka ha e ka ha ho tjhelete e ntshitsweng mme e akaretsa keketseho ya tjhelete eo motho a e fumaneng ho fihlela a hlokahala.

Batho ba neng ba hlokomelwa ke mofu empa e se ba lelapa le bona ba a balellwa kabong ya R3 000.

Tjhelete e lefshwang ke ya penshene e felletseng ("pre-commuted pension") eo motho a e bokeletseng nakong ha a ya pensheneng. Le haeba mofu a ntshitse karolo e itseng ya tjhelete ha a tlohela mosebetsi, penshene ya bana e tla lefshwa jwalo ka ha e ka ha ho tjhelete e ntshitsweng mme e akaretsa keketseho ya tjhelete eo mofu a e fumaneng ho fihlela a hlokahala.

Ho hlokahala ka mora ho ya pensheneng o se na bajalefa

Ha motho a hlokahala ka mora ho tlohela mosebetsi empa a sena molekane kapa bana, ho tla kenngwa tjhelete e latelang thepeng ya hae:



Tjhelete e kalo ka **R3000;**



Tjhelete e tla lekana le:
Moputso ea setho wa selemo letsatsing la ha a tlohela mosebetsi



10% ya kakaretso ya moputso wa selemo wa mofu bakeng ditshebeletso tsa penshene



Tjhelete eo o e fumaneng ho tloha ha o ya pensheneng ho fihlela o hlokahala.



Moputso wa penshene wa selemo habedi nakong ya ha o tlohela mosebetsi



tjhelete eo motho a e fumaneng ho tloha ha a ya pensheneng ho fihlela a hlokahala

Ha ho tjhelete e ngwe e lefshwang.

Tjhelete e na e patalwa ho latelwa Karolo ya 37C ya Molao wa Ditjhelete wa Penshene.

Ha mopenshenara ya kgaoditseng ho patala a hlokahala

Ho shwa ka mora ho kgaotsa ho patala empa o sa tlohela mosebetsi

Haeba setho se kgaotsa ho kenya tjhelete ho EPPF ebe se hlokahala pele se fumana penshene ya sona, ho tla lefshwa boleng bo bokelletsweng (e bokelletsweng le tswala) ho ya ka Karolo ya 37C ya Molao wa Ditjhelete wa Penshene.



Ho hlokahala ka mora ho ya pensheneng o na le – molekane le bana

Ha setho se kgaoditseng ho patala se hlokahala ka mora ho ya pensheneng, ho tla lefshwa molekane le bana ka tsela e latelang:

- Tjhelete ya kgwedi le kgwedi e lekanang le 60% ya penshene eo mofu a neng a e fumana ha a hlokahala e tla lefshwa molekane ya phelang. Ha balekane ba le bangata, ba tla arola 60% eo ka ho lekana
- Haeba ngwana eo e leng mojalefa a le mong, ho tla boela ho lefshwe tjhelete e etsang 30% eo mofu a neng a e fumana ha a hlokahala. Ha bana ba le babedi kapa ho feta, tjhelete e tla eketseha e be 40% ya penshene eo mofu a neng a e fumana ha a hlokahala mme ba tla e arola ka ho lekana

Penshene ya kgwedi le kgwedi ha e ya lokela ho feta 100%. Molekane ya tshwanelehang ke eo setho se neng se nyalane le yena ha se qala ho ntsha penshene. Haeba setho se nyetse ka mora hore se qale ho fumana penshene ho tswa ho EPPF, molekane ya setseng a ke ke a tshwaneleha ho fumana tjhelete ya setho ha se hlokahala.

Ho shwa ka mora ho ya pensheneng – o hlokomela bana

Ha setho se kgaoditseng ho ntsha tjhelete se ya pensheneng ebe ka mora moo se ya hlokahala, bana ba tshwanelehang feela ba tla lefshwa ka tsela e latelang:

Tjhelete ya kgwedi le kgwedi e etsang 60% ya penshene eo mofu a neng a e fumana pele a hlokahala e tla lefshwa ngwana a le mong. Ha bana ba le babedi kapa ho feta, tjhelete e lefshwang e tla ba 100% ya tjhelete eo mofu a neng a e fumana mme ba tla e arola ka ho lekana.

Tjhelete e tla fuwa mohlakomedi wa bana.

Ho shwa ho se batho bao o ba hlokomelang

Ha setho se kgaoditseng ho patala se hlokahala se sena molekane kapa bana ba tshwanelehang, penshene e tla kgaotsa letsatsing leo a hlokahalang ka lona.

Ha ho letho le tla lefshwa.

Invested in our
members



Ditokomane Tse Ikwang ha Motho a Hlokahetse

Ha motho ya ntseng a sebetsa, mopenshenara kapa ya kgaositseng ho patala penshene a hlokahala, batho ba tlhokomelong ya hae /majalefa ba lokela ho tlatsa foromo ya Application for Death Benefits le ho fana ka ditokomane tse latelang:

- Kopi e sethifailweng ya setifikeiti sa lefu
- Kopi e sethifailweng ya ID kapa pasa ya mofu
- Kopi e sethifailweng ya setifikeiti sa lenyalo
- Lengolo le pakang hore le balekane le hoja le sa nyalana
- Kopi e sethifailweng ya ID kapa pasa ya molekane, (ha a le teng)
- Disetifikeiti tsa tlhaho sethifailweng tsa bana, bopaki ba hore o mohodisi wa bona kapa di ID tsa bana ba ka tlasa dilemo tsa 21
- Haeba ngwana a na le bokowa mmeleng kapa kelellong; kopi e sethifailweng ya ID ya ngwana le bopaki ba ngaka bo bontshang hore bokowa bo bile teng pele a e ba dilemo di 21
- Dikopi e sethifailweng tsa lengolo la tlhalo
- Lengolo la banka le stempuweng le nang le dintlha tsa ak'haonte ya banka kapa seteitemente sa banka le foromo e nang le setempe sa banka
- Foto ya pasa ya mohlolohadi bakeng sa karete ya penshene
- Ditaalo tsa lekhotla le ditaalo tsa tlhokomelo
- Bopaki ba hore o setho sa morero wa kalafo

Ha setho ntseng se sebetsa se hlokahala foromo ya Application for Death Benefits le ditokomane tse loketseng di lokela ho iswa ofising ya lefapha la basebetsi mme bona ba e fetisetse ho EPPF.

Ha mopenshenara kapa mopenshenara ya kgaoditseng ho patala a hlokahala, foromo ya Application for Death Benefits le ditokomane tse loketseng di lokela ho iswa ofising ya lefapha la basebetsi mme bona ba e fetisetse ho EPPF.

Tlhalo le Tjhelete ya Penshene

Ha o ka hlala molekane wa hao o ntse o sebetsa ,tjhelete ya hao e ho EPPF e tla kenyelletswa ha le hlalana. Karolo efe kapa efe ya phaello ya penshene ya setho e lokela ho lefuwa ho molekane

eo e seng setho hanghang mme EPPF e tlangwa ke molao ho etsa jwalo hang ha e fumane ditokomane tsohle.

Nakong ya nyewe ya tlhalo, wena le molekane wa hao (eo e seng setho) le lokela ho dumellana ka diphesente tseo molekane eo e seng setho a ka di fuwang. Tumellano eo e tla tiiswa ke lekgotla, mme e tla hlaloswa ditokomaneng tsa tlhalo. Setho sa EPPF kapa motho eo e seng le molekane o lokela ho tsebisa EPPF ka dintlha tsa tlhalo.

Taelo ya tlhalo e tlamang EPPF ka molao, e tlameha o latela ditaalo tse thata tsa Molao wa Tlhalo mme kopi e tlameha ho fuwa EPPF. Haeba taelo e tlama, ditokomane tse latelang di tlameha ho fanwa ha motho a kenya kopo:

Taelo ya tlhalo e tlama haeba e dumellana le dintho tse latelang:

- E ama setho se ntseng se sebetsa
- Lebitso la letlole (EPPF) le hlaha taelong eo;
- Taelo e beha palo e itseng ya tjhelete kapa peresente ya phaello ya penshene
- E bua ka kotloloho ka phaello ya penshene ya setho letloleng (EPPF)
- E laela letlole ho etsa tefo ho molekane eo e seng setho ka ho toba kapa ho kenya tjhelete letloleng le kgethilweng ke molekane eo e seng setho
- Foromo e tlatsitsweng ya Kopo ya Tharollo ya Tlhalo, e fumanwang websaeteng ya EPPF e leng www.eppf.co.za.
- eppf.co.za;
- Kopi e sethifailweng ya taelo ya tlhalo hammoho le tumellano ya tjhelete
- Dintlha tsa ak'haonte ya banka ya motho ya kenyang kopo (seteitemente sa banka kapa lengolo le tswang bankeng le stempuweng)
- Kopi e sethifailweng ya ID ya motho ya kenyang kopo

Ho hlokahala ditokomane tse latelang ha o etsa kopo pele ho nako:

1. Lengolo le saennweng la kopo le tswang ho mohlakomedi kapa le tswang ho ngwana ya dilemo di 18 ho ya hodimo
2. Kopi ya seteitemente sa moraorao sa banka sa mohlakomedi sa dikgwedi tse tharo.
3. Lengolo le tswang sekolong, shopong kapa ntho le ha e le efe eo ba hlokwang ho thuswa ka yona le stempuweng.
4. Kopi ya ID ya mohlakomedi le setefikeite sa tlhaho sa ngwana kapa ID.
5. Dintlha tsa ak'haonte ya banka ya sekolo tse stempuweng.

Ho latela Melao ya Lekgetho, tjelele e lefshwang molekane ya hlaluweng eo e seng setho e tla lefswa lekgetho ha a e amohela kahoo o tlameha a be a ingodisitse jwalo ka molekgetho le Tshebetso ya Lekgetho ya Afrika Borwa e le hore EPPF e mo patale.

Ha ditokomane tsohle di se di tlisitswe ho EPPF mme di nepahetse, tjelele e tla lefshwa nakong ya matsatsi a 60.

Haeba karolo ya penshene ya setho se ntseng se sebetsa e tlamehla ho lefuwa ho molekane wa hae wa mehleng ho latela taelo ya tlhalo, dilemo tsa tshebetso di tla ameha mme letsatsi le qalang le tla fetolwa. Sena se tla fokotsa tjelele ya setho e lefuwang ha se tlohela mosebetsi, ha se fokotsa kapa se hloka hla.

Bakeng ba setho se kgaoditseng ho patala, tjelele e bokelletsweng (transfer value, plus interest) ho EPPF e fokotseha ha ho patalwa molekane wa mehleng. Leha ho le jwalo, tjelele ya tlhalo e tla fokotsa ha feela taelo ya tlhalo e fumanwe pele setho se kgaotsa ho patala.

Diphehiso le Ditsekisano

EPPF e latela tataiso e fanwang ha ho e na le diphehiso.

Haeba ho na le ngongoreho e sa lokeng o sebedisa motjha wa dipuisano wa dingongoreho, o ka romela EPPF ditletlebo tsa hao.



Tletlebo ya hao e lokela ho ba lengolo mme le romelwe EPPF ka poso kapa emailing ena, complaints@eppf.co.za. Tletlebo e rometsweng e tla hlalohjwa mme EPPF e tla kgutlela ho wena ka lengolo pele ho feta matsatsi a 30 lengolo la hao le fumanwe.



Haeba o sa kgotsofalle karabo eo o e fumaneng, kapa haeba EPPF e sa kgutlele ho wena pele matsatsi a 30 a feta, o ka romela Moahlodi wa Letlole la Penshene tletlebo ya hao. O ka ikopanya le Moahlodi wa Letlole la Penshene mona, www.pfa.org.za kapa +27 12 748 4000.

Tlhokomediso:



Tjelele e lokelang ho fetisetswa bankeng e ka ntle ho Afrika Borwa e nka nako e telele ho feta ha e fetisetswa bankeng e ka hara naha ya Afrika Borwa, ka ha EPPF e lokela ho fuma foromo e tlatsitsweng ya Banka ya Boditjhaba e tswang bankeng ya hao kapa ho mosebetsi wa boditjhaba. Haeba o rerile ho fetisetsa tjelele ya hao bankeng e ka ntle ho naha ya Afrika Borwa, e ka ba hantle hore o romele foromo ya Banka ya Boditjhaba bankeng ya hao bonyane dikgwedi tse pedi kapa tse tharo pele o tswa, e le hore e ka fihla EPPF ka nako.

Tsebisano ya Lefu



Batho ba tlhokomelong ya setho sa EPPF (mosebetsi, mopenshenara, mopenshenara ya beheletseng tjelele ka thoko) kapa bajalefa ba hae ba lokela ho ikopanya le EPPF ho tsebisa ka lefu la setho sa yona e le hore EPPF e ka qalella ho etsa dipatlisiso le ho etsa hore tjelele e fumanwe.

Metjha ya Puisano ya EPPF

Re sebedisa mekgwa e fapaneng ya puisano e le hore o fumane thuso.

Moeletsi wa Letlole la Penshene



Baeletsi ba Letlole la Penshene la EPPF ba etela diofisi tsa Eskom kgafetsa e le hore ba thuse basebetsi, mapenshenara a beheletseng tjelele ka thoko le mapenshenara ka dipotso le ha le dife tseo ba ka bang le tsona, mme ba thuswa difahleho di tadimane. Nako le nako baeletsi bana ba boetse ba ruta ditho tsa rona ka EPPF.

Invested in our
members



Setsi sa Mehala le Dibaka Tse Etelwang



Re o kgothalletsa ho letsetsa mohala ona wa mahala haeba o na le dipotso **0800 11 45 48**.

O ka etela ntlo kgolo ya EPPF Bryanston, Johannesburg le e Eskom Park, Emalahleni (Witbank) esita le East London, Cape Town, Durban le Polokwane. Seta sa mehala le dibaka tse etelwang di sebedisa ho tloha ka **08:00 ho fihlela 16:45** le Mantaha ho fihela Labohlano.

Ka kopo re tsebise haeba ho na le diphetoho tse teng boitsebisong ba hao.

Diaterese tsa dibaka tse etelwang tsa EPPF ke tsena:

• Seta sa satellite se etelwang Cape Town:

Eskom Regional Office
60 Voortrekker Road
Bellville
7530
Tel: 021 915 2721

• Seta sa satellite se etelwang Durban:

Eskom Regional office
25 Valley View Road
New Germany
3620
Tel: 031 710 5206

Setsi sa Mehala le Diofisi Tse Etelwang



• Ofisi e etelwang Bryanston:

EPPF Office Park, Isivuno House
24 Georgian Crescent East
Bryanston East
Johannesburg
2191
Tel: 011 709 7400

• Ofisi e etelwang Emalahleni:

House No. 27
Eskom Park
Visagie Street
Emalahleni
1035
Tel: 013 693 3240 / 013 693 3918

• Seta sa satellite se etelwang East London:

Sunilaws Office Park, Block A
Corner Quenera Drive & Bonza Bay Road
Beacon Bay
East London
5241
Tel: 043 703 5772

• Seta sa satellite se etelwang Limpopo:

66 Hans Van Rensburg Street
Polokwane Central
Polokwane
0700
Tel: 015 230 1392

Dipotso Tse Ngotsweng



Dipotso tse ngotsweng di ka romelwa ka mekgwa e latelang:

- Emaili: **info@eppf.co.za**
- Forom e Inthaneteng:
Etela **www.eppf.co.za**;
E ya karolong ya “Ikopanye le Rona”
Penya “Romela Molaetsa”
mme o tla kgona ho re romela emaili o sebedisa websaete ya rona; kapa
- Fekse: **0866 815 449**
- Poso: **Private Bag X50, Bryanston, 2021.**

Tlhokomediso: Ha o ikopanya le EPPF, setho se lokela ho bolela nomoro ya sona ya boitsebiso.

- Ho tlaleha bobodu letsetsa Vuvuzela Hotline dinomorong tsena **0800 212 320**

Tlhokomediso

EPPF e etsa boiteko ba hore tlhahisoleseding e fanweng bukeng ena e nepahetse ebile e felletse. Le ha ho le jwalo, tlhahisoleseding e fanweng e sebetse maemong a tlwaelhileng. Ha hoa fanwa ka dintlha ka botlalo. Ditho ha di a tlameha ho itshetleha ka tlhahisoleseding e fanweng bukeng ena fela ebe di iphaphanyetsa. Melao e meng ya EPPF. EPPF ha e etse ditshepiso kapa dinetefatso, ebang di boletswe kapa di a inahanelwa, ka ho nepahala, kapa ho fella ha tlhahisoleseding e fanweng bukeng ena.

EPPF ha e amohela boikarabelo le ha e le bofe ka tahlehelo kapa tshenyo e hlakang ka lebaka la ho sebedisa tlhahisoleseding e fumanehang bukeng ena

Haeba ho na phapang tlhahisoleseding e fumanehang bukeng le melaong ya EPPF, melao ke yona e tla sebediswa.

Eskom Pension and Provident Fund

Websaete: www.eppf.co.za

Nomoro ya mohala ya Mahala: 0800 11 45 48

Landline: +27 11 709 7492

Nomoro ya Fekse: 0866 815 449

Email: info@eppf.co.za

Aterese ya Poso: Private Bag 50, Bryanston, 2021

Baemehi ba Bang

Tjhelete ya Eskom Boemong ba Lefu

Ikopanye le : T Mahiti or P Nkuna

Nomoro: 011 800 8597 / 011 800 2612

Fekse: 086 668 6065

Email: tembisa.mahiti@eskom.co.za or
piet.nkuna@eskom.co.za

Ikopanye le Sanlam | Skimi sa Lepato la Boithatelo

Dipotso mabapi le skimi se setjha le tjhelete ya hao di lokela ho lebiswa Sanlam:

Nomoro ya Mohala: 0860 276 885

Email: eskomqueries@sanlamsky.co.za

Ho lokisa direkoto tse teng le ho romela dikleimi

Nomoro ya Mohala: 0860 302 922

Nomoro ya Fekse: 0860 276 884

Emaili bakeng sa dikleimi: eskomclaims@sanlamsky.co.za

Emaili bakeng sa ditshebeletso:

eskomservicing@sanlamsky.co.za

Indwe | Dikleimi tsa inshoreense ya koloi le ya ntlo

Setsi sa Mohala: 0860 843 244 / +27 11 912 7300

Email: hobackline@indwerisk.co.za

Dikleimi tse ntjha tsa monga ntlo: newclaims@indwerisk.co.za

Invested in our
members

